

Dizano :

An hini goz hag an hini yaouank, pe Breiz ha Bro-Hall

(**Notenn, e galleg, gand an embanner** : Cette chanson allégorique, qu'on imprime ici pour la première fois en entier, respire les sentiments de rivalité nationaliste qui, grâce à Dieu (?), n'existent plus.

An hini goz
eo ma dous ;
An hini goz
Eo zur !

Ha koulskoude, war a welan,
An hini yaouank ar vravañ.
An hini goz, etc...

An hini yaouank a zo koant ;
An hini goz he-deus arhant ;
An hini goz, etc...

Me n'ez an morse d'ar marhad,
Ne ro din-me gwerz boutaillad ;
An hini goz, etc...

An hini goz am hundu mad ;
An hini goz a zo d'am grad :
An hini goz, etc...

Ha koulskoude e-barz e kêr
An hini youank a garer :
An hini goz, etc...

An hini yaouank 'zo ker plom !
An hini goz 'zo 'n tammig kromm.
An hini goz, etc...

An hni yaouank 'zo lijer ;
An hini goz a zo pounner ;
An hini goz, etc...

An hini goz he-deus bleo gwenn ;
An hini yaouank bleo melen.
An hini goz, etc...

An hini goz liou raden zeh ;
An hini yaouank liou an erh ;
An hini goz, etc...

Liou an erh eo, hag hi ker yen,
Na ra 'gozig eur zell ouzen !
An hini goz, etc...

Ha koulskoude n'ouzon perag
Ma halon a ra tik-tak, tik-tak.
An hini goz, etc...

Tik-tak a ra ma halon baour
Pa'z an da skei war doull an nour¹.
An hini goz, etc...

Teh alese ! teh kuit ! teh pell !
An hini goz a zo kant gwell !
An hini goz, etc...

An hini goz a zo kant gwell ;
Ne ra ket taillou dimezell ;
An hini goz, etc...

Diaked an dimezelled,
Diaked e tri rann ar bed².
An hini goz, etc...

Dimezelled ne reont nepred
Nemed goap ouz ar Vretoned.
An hini goz, etc...

Pa daolan war benn he glin,
An hini goz a hoarz ouzin.
An hini goz, etc...

An hini goz 'zo Bretonnez,
An hini yaouank 'zo Gallez.
An hini goz, etc...

Fae eo ganin gand ar Gall brein,
Gand krohenn an diaoul war e gein !
An hini goz, etc...

Fae eo ganin gand ar Hallez ;
Ganti karnou en he botez !
An hini goz, etc...

Goude tri deiz e skuiz peb den
Gand glao, avel ha merh estren.
An hini goz, etc...

Mar komzet a vriedelez,
Komzet din euz ar Vretonnez.

¹ an nour : an nor (evid ar rim).

² e tri rann ar bed : notenn gand an embanner : L'Amérique n'avait pas encore été découverte.

An hini goz, etc...

Ne lakain vannpa vo laret
Eo ar Vretonnez gwrahellet ;
An hini goz, etc...

Evitañ da voud gwrahellet,
An aval, blaz fall n'en-deus ket.
An hini goz, etc...

Bezef droug gand neb a garo,
Trohet an ed, dornet e vo.
An hini goz, etc...

Bezef droug gand neb a garo,
Ma dous ha me ni 'eureujo ;
An hini goz, etc...

Ni'gousko en eur gwele kloz,
War ar pell fresk, bemnoz, bemnoz !
An hini goz, etc...

Na pa vez ker koz ar bed,
Ganin e vezo gwalennet !

An hini goz
Eo ma dous,
An hini goz
Eo zur !

(Bet moulet e Kemperle, e fin an XIX^{ved} pe e penn an XX^{ved} kantved).